

DECRETO PARA ADXUDICACIÓN DE CONTRATO DE PRÉSTAMO, CON PREVIA APERTURA DE CRÉDITO POR IMPORTE DE 1.980.000,00 €, CON DESTINO AO FINANCIAMENTO DE DIVERSAS FINALIDADES INCLUÍDAS NO ANEXO DE INVESTIMENTOS DO ORZAMENTO DO EXERCICIO 2018 DO CONCELLO DE PONTEVEDRA

Logo de examinar o expediente tramitado para a contratación de préstamo, con previa apertura de crédito por importe de 1.980.000,00€ con destino ao financiamento de diversas finalidades incluídas no anexo de investimentos do orzamento do exercicio 2018 do Concello de Pontevedra, resultan relevantes os seguintes feitos:

1. Mediante decreto de Alcaldía de data 23 de agosto de 2018, resolveuse iniciar o expediente de contratación.
2. Procedeuse á redacción do correspondente prego de condicións, que se informou conxuntamente pola técnica de contabilidade e presupostación, en funcións de titular do Órgano de Xestión Orzamentaria e Contabilidade (OXPC) e pola Interventora Xeral con data 30 de agosto de 2018.
3. En data 31 de agosto de 2018, procedeuse, por Decreto de Alcaldía á aprobación do prego de condicións administrativas particulares e dispúxose a apertura do procedemento de licitación.
4. A Comisión Técnica prevista no prego de condicións administrativas propuxo como oferta económica máis vantaxosa a presentada por **UNICAJA BANCO, S.A. (A93139053)**, e conforme coa proposta, en data 28 de novembro de 2018, resolveuse pola Alcaldía requirila para que presentara a documentación necesaria para poder proceder á adxudicación.
5. Achegada a documentación que se require para poder realizar a adxudicación, esta resulta conforme co esixido no prego de condicións administrativas particulares que rexe o contrato mencionado.

Fundamentos xurídicos:

Primeiro.- Cumpríronse os trámites dispostos no Real Decreto legislativo 3/2011, polo que se aproba o texto refundido da lei de contratos do sector público (en adiante TRLCSP), para seleccionar a oferta economicamente máis vantaxosa no contrato que se menciona na parte dispositiva deste acordo. De conformidade co artigo 151 do TRLCSP, procedeuse por parte do órgano competente a clasificar as ofertas así como a requirir a oferta economicamente máis vantaxosa para que no prazo de dez días hábiles presentase a documentación precisada na artigo 15º do prego de cláusulas administrativas, trámite cumprido pola empresa á que se lle adxudica o contrato mencionado na parte dispositiva desta resolución. O cumprimento deste requirimento, determina de conformidade co artigo 151.3 do TRLCSP, que o órgano competente deba proceder a adxudicación do contrato. A adxudicación prodúcese coa presente resolución.

Segundo.- O artigo 151.4 do TRLCSP determina que a adxudicación debe ser motivada, contendo a información necesaria que permita ao licitador excluído ou candidato descartado, interpoñer un recurso suficientemente fundado. A motivación da adxudicación basease en todos os acordos da Comisión técnica relativos ao contrato que se menciona na parte dispositiva deste acordo, e de conformidade con estes acordos e polas motivacións expostas nos mesmos, e que



se asumen na presente resolución de adxudicación, así como do cumprimento por parte da entidade á que se lle efectuou o requirimento para que se presentase a documentación determinada, procede a adxudicación do contrato que se menciona posteriormente.

Terceiro.- De conformidade co artigo 52.2 do Real Decreto legislativo 2/2004, do 5 de marzo, polo que se aproba o texto refundido da lei reguladora das facendas locais, esta competencia reside no Alcalde.

A vista do exposto, **RESOLVO:**

Primeiro.- Declarar válido o procedemento relativo ao contrato de préstamo, con previa apertura de crédito por importe de 1.980.000,00€ con destino ao financiamento de diversas finalidades incluídas no anexo de investimentos do Orzamento do exercicio 2018 do Concello de Pontevedra.

Segundo.- Aceptar e asumir todos os acordos da Comisión Técnica relativos ao contrato que se menciona no apartado anterior, e de conformidade con estes acordos e polas motivacións expostas nos mesmos, adxudicar o contrato mencionado no apartado anterior á entidade que de seguido se relaciona toda vez que cumpriu co requirimento efectuado polo órgano de contratación de conformidade co artigo 151.2 do TRLCSP, con plena suxeición ao prego de cláusulas administrativas particulares que rexen o contrato e a oferta formulada polo adxudicatario, dentro de cuxa oferta destacan os seguintes apartados:

EMPRESA	Puntos básicos a reducir sb CTM
UNICAJA BANCO, S.A. (A93139053)	- 46

Terceiro.- Requirit á adxudicataria para que proceda a formalización do presente contrato dentro dos quince días hábiles seguintes ao que reciba a notificación da presente resolución de adxudicación.

Cuarto.- Publicar a presente resolución no perfil do contratante do Concello.

Quinto.- Unha vez que se formalice o contrato, publicar anuncio de formalización do contrato no perfil do contratante do Concello.

Sexto.- Dar traslado da presente resolución a entidade adxudicataria, aos licitadores así como a Intervención Municipal. A notificación acompañarase coas actas das reunión da Comisión técnica que serven de fundamento para a presente resolución de adxudicación.

Así o dispuxo e ordenou o Alcalde-Presidente, en Pontevedra na data que consta na sinatura electrónica, ante o secretario da Administración Municipal, que DA FE do precedente decreto.

